

AKHBAR : BERITA HARIAN
MUKA SURAT : 14
RUANGAN : NASIONAL

14

Kes tifoid rintang antibiotik meningkat

Kuala Lumpur: Kes tifoid yang rintang terhadap antibiotik dikesan meningkat berikutan penggunaan ubat antibiotik yang berleluasa tanpa kawalan.

Menyatakan, Dr Zaliha Mustafa berkata peningkatan kes tifoid yang rintang terhadap ubat antibiotik, khususnya jenis quinolone adalah membimbangkan.

Katanya, antibiotik quinolone adalah rawatan utama penyakit tifoid.

"Bagaimanapun penggunaan antibiotik yang berleluasa tanpa kawalan memberi impak negatif kepada kes penyakit berjangkit yang memberi ancaman kepada kesihatan awam.

"Terdapat peningkatan kes tifoid dari 64 kes pada 2020 kepada 102 kes sepanjang 2021 dan 90 kes pada tahun lalu, dengan majoriti kes membabitkan tiga negeri iaitu Selangor, Sabah dan Kelantan," katanya ketika merasmikan 'Persidangan Penyakit Tropikal Berjangkit' di sini, semalam.

Dr Zaliha berkata, negara juga kini berdepan ancaman baharu dalam jangkitan malaria, iaitu jangkitan malaria zoonotik.

Katanya, malaria zoonotik boleh mengakibatkan jangkitan malaria teruk dan berpotensi menyebabkan kematian sekiranya lewat didiagnos dan dirawat.

Katanya, daripada jumlah malaria yang dilaporkan pada 2022, sebanyak 89.2 peratus adalah malaria zoonotik, manakala selebihnya kes malaria import.

"Pada 2022, sembilan daripada 11 kes kematian malaria membabitkan zoonotik dan dua kes malaria import," katanya.

Jangkitan malaria zoonotik adalah disebabkan oleh parasit Plasmodium knowlesi.

Ia ditularkan dari haiwan (beruk/kera) yang menjadi perumah semula jadi bagi parasit ini kepada manusia melalui gigitan nyamuk Anopheles sp.

Terdapat peningkatan kes tifoid dari 64 kes pada 2020 kepada 102 kes sepanjang 2021 dan 90 kes pada tahun lalu



Dr Zaliha Mustafa,
Menyatakan

AKHBAR : KOSMO
MUKA SURAT : 15
RUANGAN : NEGARA



TIGA petugas Klinik Kesihatan Chaah, Segamat sedang mengemas ubat-ubatan yang rosak selepas ditenggelami banjir baru-baru ini.
— RAJA JAAFAR ALI

Klinik Chaah perlu dibaik pulih segera

JOHOR BAHRU — Kerajaan negeri berharap agar Kementerian Kesihatan (KKM) dapat meluluskan segera peruntukan membalaik pulih Klinik Kesihatan Chaah di Segamat, yang rosak teruk setelah ditenggelami banjir, baru-baru ini.

Operasi klinik kesihatan itu terpaksa dipindahkan sematake ke Dewan Serbaguna Chaah bagi memenuhi keperluan di kawasan itu sehingga peruntukan untuk membalaik pulih diperoleh.

Pengerusi Jawatankuasa Kesihatan dan Perpaduan negeri, Ling Tiam Soon berkata, peruntukan itu juga diharap dapat digunakan untuk klinik kesihatan serta klinik desa lain yang terjejas akibat banjir.

Beliau berkata, petugas klinik kesihatan tersebut terpaksa meminjam aset-aset daripada klinik kesihatan dan hospital berdekatan bagi meruska operasi seperti biasa.

"Pengoperasian klinik kesihatan sementara di dewan serbaguna itu bagi menjalankan proses rawatan biasa terhadap pesakit dan mereka yang memerlukan rawatan larut perlu ke klinik kesihatan berhampiran.

"Klinik Kesihatan Chaah paling teruk terjejas banjir, ia

boleh dikatakan total lost apabila semua peralatan, aset-aset serta dokumen rosak teruk akibat banjir di mana air naik melebihi 1.2 meter.

"Permohonan telah dibuat kepada KKM dan kita berharap mudah-mudahan ia diluluskan dengan kadar segera supaya kita dapat pulihkan operasi klinik tersebut dalam masa terdekat," katanya.

Beliau berkata demikian pada sidang akhbar operasi Agenzi Antiti Dadah Kebangsaan (AADK) Negeri Johor di Kompleks Kementerian Dalam Negeri di Setia Tropika, di sini kelmarin.

Klinik Kesihatan Chaah itu mempunyai seramai kira-kira 80 kakitangan mampu mengendalikan sekitar 150 kes harian mengikut janji temu yang telah ditetapkan lebih awal.

Premis tersebut telah diberihsikan dalam aktiviti gotong-royong yang dijalankan kakitangan Jabatan Kesihatan Negeri Johor (JKNJ) baru-baru ini.

Tian Soon memberitahu, dianggarkan sebanyak 30 klinik kesihatan dan klinik desa yang terjejas akibat banjir di seluruh negeri ini, namun hanya Klinik Kesihatan Chaah yang mengalami kerosakan teruk.

AKHBAR : SINAR HARIAN
MUKA SURAT : 1
RUANGAN : MUKA HADAPAN

DILEMA DOKTOR KLINIK KESIHATAN

Menteri janji selesai isu bayaran kerja lebih masa

- Tinjauan *Sinar Harian* mendapati rata-rata rakyat Malaysia teruja dengan lanjutan waktu operasi 52 klinik kesihatan kerajaan dari jam 5 petang ke 9.30 malam kerana mereka tidak lagi perlu bersesak-sesak atau berebut tempat letak kereta.
- Bagaimanapun, kumpulan petugas kesihatan termasuk doktor kontrak menyuarakan pelbagai kebimbangan termasuk isu kekurangan kakitangan di samping petugas dikatakan tidak dapat membuat tuntutan yang sewajarnya di sebalik beban kerja yang semakin bertambah.
- Menteri Kesihatan, Dr Zaliha Mustafa memberi jaminan akan meneliti semua aduan berkaitan malah pihaknya sudah berbincang dengan Jabatan Perkhidmatan Awam berhubung isu pembayaran kerja lebih masa pegawai perubatan.

MUKA 2 & 3



AKHBAR : SINAR HARIAN
MUKA SURAT : 2
RUANGAN : NASIONAL

KKM teliti isu lanjut operasi

Dakwaan-pegawai perubatan tidak dibayar eluan kerja lebih masa turut dibincangkan, kata Dr Zalihah.

PUTRAJAYA

Menteri Kesihatan, Dr Zalihah Mustafa memberi jaminan akan menyelesaikan pelbagai perkara berbangkit susulan lanjutan operasi 52 klinik kesihatan termasuk isu pegawai perubatan yang dikatakan tidak dibayar eluan kerja lebih masa.

Menurut beliau, pihaknya telah berbincang dengan Jabatan Perkhidmatan Awam (JPA) berhubung perkara berkenaan.

"Kita melihat dengan teliti dan memperhalusi aduan-aduan tersebut," katanya ketika ditemui pemberita selepas merasmikan persidangan penyakit berjangkit tropika di Putrajaya pada Selasa.

Sabtu lalu, tular tangkap layar mengenai dakwaan pegawai perubatan tidak dibayar eluan kerja lebih masa selepas



Dr Zalihah ditemui pemberita selepas merasmikan persidangan penyakit berjangkit tropika di Putrajaya pada Selasa.

LAPORAN MUKA DEPAN

kementerian memutuskan untuk melanjutkan tempoh operasi klinik kesihatan dari jam 5 petang kepada 9.30 malam bagi mengatasi masalah kesesakan di jabatan kecemasan hospital.

Dr Zalihah pada Ahad lalu turut menggalakkan penyertaan pengamal perubatan am swasta (GP) dan doktor kontrak untuk bekerjasama bagi menjayakan inisiatif melanjutkan waktu operasi klinik kesihatan selepas waktu pejabat.

Bagaimanapun, Gerakan Hartal Doktor Kontrak (HDK) meminta penjelasan KKM

sama ada kerajaan akan mewarkan imbuhan yang se-wajarnya kepada penyertaan GP dan doktor kontrak bagi tujuan itu.

Pelbagai pihak sebelum ini juga bimbang lanjutan operasi klinik kesihatan akan memori kesan kepada tahap penyampaian dan penjagaan di pusat kesihatan awam berkenaan.

Ini kerana mutu penjagaan akan terkesan sekiranya petugas kesihatan kelelahan dan bekerja lebih masa apatah lagi jika tidak mendapat apa-pa imbuhan.

Sementara itu di Ipoh, Pengerusi Sumber Manusia,

Kesihatan dan Hal Ehwal Masyarakat India Perak, A Sivanesan berkata, cadangan menggalakkan GP dan doktor kontrak bekerjasama bagi program lanjutan waktu operasi klinik kesihatan terpilih di seluruh negara perlu kajian mendalam terutama dalam aspek kebertanggungjawaban dan perundangan.

Ujarnya, cadangan itu merupakan inisiatif yang baik tetapi mungkin akan wujud masalah terutama dari segi aktauntabiliti.

"Siapa yang akan bertanggungjawab jika berlaku kecualian, pihak kerajaan atau pun pihak swasta?" katanya dalam sidang media di Bangunan Perak Darul Ridzuan pada Selasa.

Justeru, Sivanesan meminta kerajaan meneliti cadangan itu dari sudut perundangan terlebih dahulu sebelum melaksanakannya.

Dalam pada itu beliau memaklumkan kerajaan negeri akan memohon KKM untuk memanjangkan tempoh operasi beberapa lagi klinik kesihatan di negeri Perak.

"Kita melihat keperluan seperti di Bagan Datuk, Lenggong dan Manjung yang setakat ini agak jauh daripada klinik yang telah beroperasi lebih masa. Jadi saya akan bincang dengan menteri untuk tambahan beberapa klinik kesihatan yang dilihat perlu," katanya.

SENARAI KLINIK KESIHATAN BEROPERASI SELEPAS WAKTU PEJABAT

PERLIS

- KK Kuala Perlis, KK Kangar

KEDAH

- KK Alor Setar, KK Kulim, KK Sungai Petani, KK Kuah, KK Padang Matsirat

PULAU PINANG

- KK Bayan Baru, KK Seberang Jaya

PERAK

- KK Tapah, KK Teluk Intan, KK Greentown, KK Kamunting, KK Taiping, KK Sitiawan, KK Tanjung Malim

WILAYAH PERSEKUTUAN

- KK Kuala Lumpur, KK Presint 9 Putrajaya

NEGERI SEMBILAN

- KK Port Dickson, KK Bahau, KK Seremban

MELAKA

- KK Masjid Tanah, KK Alor Gajah, KK Jasin, KK Merlimau, KK Ayer Keroh, KK Peninggit

JOHOR

- KK Mahmoodiah, KK Sultan Ismail, KK Bandar Maharani, KK Mengkibol, KK Batu Pahat, KK Kulai Besar

SELANGOR

- KK Ampang, KK Kepong, KK Taman Medan, KK Seksyen 19 Shah Alam, KK Bandar Botanik, KK Taman Ehsan

PAHANG

- KK Bandar Kuantan

KELANTAN

- KK Bandar Kota Bharu

SABAH

- KK Inanam, KK Luyang, KK Menggatal, KK Lahad Datu, KK Penampang, KK Putatan, KK Sandakan, KK Tawau

SARAWAK (Sabtu sahaja)

- KK Jalan Masjid, KK Bintulu, KK Jalan Lanang

Petugas perlu mencukupi elak kerja berlebihan

SHAH ALAM - Jumlah petugas di fasiliti penjagaan kesihatan atau klinik kerajaan perlu mencukupi bagi mengelakkan bebanan kerja yang ditanggung oleh mereka terlalu berlebihan.

Presiden Persatuan Perubatan Malaysia (MMA), Dr Muruga Raj Rejathurai berkata, bilangan doktor, jururawat dan kakitangan sokongan yang mencukupi amat penting bagi

memastikan kejayaan prestasi sesebuah fasiliti penjagaan kesihatan kerajaan.

"Waktu operasi lanjutan di klinik-klinik ini dapat memberi peluang kepada para doktor yang tidak lagi bekerja dalam sistem penjagaan kesihatan awam, untuk kembali berkhidmat dan meraih pendapatan."

"Sebahagian daripada mereka adalah bekas doktor kontrak yang

tidak mendapat jawatan tetap atau yang telah meninggalkan sistem atas pelbagai sebab lain."

"Bagi sebilangan pengamal perubatan am swasta (GP) yang klinik mereka ditutup lebih awal, ia juga boleh menjadi peluang untuk doktor itu berkhidmat dan memperoleh pendapatan tambahan," katanya dalam kenyataan pada Isnin.

Dr Muruga Raj berkata, walaupun

lanjutan waktu operasi itu mungkin merupakan penyelesaian pantas kepada masalah kesesakan di hospital kerajaan, KKM juga mesti melihat kepada penyelesaian mampang jangka pertengahan dan panjang.

"Antara penyelesaiannya ialah penyumbangan luar kes zon hijau kepada klinik GP swasta yang telah dirancang kerajaan," ujarnya.



DR MURUGA RAJ

AKHBAR : SINAR HARIAN
MUKA SURAT : 3
RUANGAN : NASIONAL

'Tambah lagi klinik malam'

Orang ramai harap lebih banyak klinik kesihatan di kawasan padat penduduk, B40 dilanjutkan operasi selepas waktu kerja



MOHD NOR HAIKI AIMAN NURSHAFINAZ

JOHOR BAHRU

Perkhidmatan klinik kesihatan pada waktu malam terutama di bandar raya dan kawasan padat penduduk perlu diperluas bagi memberi peluang kepada mereka yang mendiami kawasan berkenaan mendapatkan rawatan di luar waktu kerja.

Tinjauan di Klinik Kesihatan Hospital Sultan Ismail (HSI) di sini pada Isnin malam mendapat perkhidmatan tersebut mendapat sambutan terutama daripada penduduk sekitar.

Salah seorang pesakit yang mendapatkan rawatan, Mohd Nor Haidi Abd Wahab, 39, berkata, perkhidmatan klinik kesihatan pada waktu malam amat membantu golongan yang bekerja seperti pada waktu siang atau waktu pejabat.

Pemandu lor yang menetap di Kempas itu mengakui perkhidmatan tersebut amat diperlukan dan membantu orang ramai yang tidak mempunyai masa ke

klinik kerana bekerja atau mempunyai pelbagai urusan lain pada sebelah siang.

"Saya datang ke Klinik Kesihatan HSI kerana ini adalah klinik kerajaan paling dekat dengan rumah saya berbanding Klinik Kesihatan Mahmoodiah di Hospital Sultanah Aminah (HSA).

"Saya rasa lebih selesa dan lebih cepat di sini kerana tidak perlu bersesak seperti di HSI,"

kata bapa kepada dua anak itu ketika ditemui di Klinik Kesihatan HSI, pada malam Isnin.

Dia juga tidak perlu mengambil cuti sekiranya kesihatannya tidak terlalu teruk selain berpuas hati dengan perkhidmatan yang diberikan.

Sementara itu, kakitangan kerajaan, Aiman Othman, 23, dari Taman Johor Jaya berkata, perkhidmatan pada sebelah malam itu disaran diperluaskan terutama di kawasan penduduk

berpendapatan rendah atau B40 kerana dapat menjimatkan kos perubatan apabila tidak perlu lagi mendapatkan rawatan di klinik swasta pada sebelah malam seperti sebelum ini.

Dia yang masih belum berkahwin berkata, apakah lagi dalam keadaan harga barang naik, perkhidmatan di klinik kesihatan kerajaan itu amat membantu mereka yang kurang berkemampuan.

Di PUTRAJAYA, penjawat awam, Nurshafinaz Hamidon, 39, berkata, tempoh menunggu untuk mendapatkan rawatan di klinik kesihatan selepas waktu bekerja adalah singkat.

"Dekat sini, prosesnya cepat. Tak sampai satu jam sudah selesai," kata dia.

Tambahnya, inisiatif tersebut patut diperluaskan ke klinik kesihatan yang lain.

"Benda yang baik ejoklah dibuat di tempat lain juga," katanya.



Orang ramai mengunjungi Klinik Kesihatan Presint 9 Putrajaya untuk mendapatkan rawatan selepas waktu pejabat pada Isnin.

Lanjutan waktu perlu seiring kualiti perkhidmatan

KUANTAN - Orang ramai di daerah ini menyambut baik lanjutan waktu operasi selepas waktu pejabat di klinik-klinik kesihatan terpilih di seluruh negara, namun inisiatif itu perlu seiring dengan kualiti perkhidmatan yang baik dan cekap.

Bagi mereka, klinik yang terlibat perlu bersedia dengan petugas dan peralatan yang cukup untuk menerima pesakit selepas waktu pejabat.

Suri rumah, Sharifah Zalina Syed Rahmat, 48 berkata, pihak kerajaan perlu pastikan petugas di klinik-klinik kesihatan terlibat mencukupi terutama pegawai atau penolong pegawai perubatan bertugas.

"Tanpa petugas mencukupi, mutu layanan dan proses rawatan akan terganggu sedangkan tempoh rawatan hanya terhad



SHARIFAH ZALINA



MIMI NOOR AISHA



MAH

sehingga jam 9.30 malam.

"Perkara ini antara yang perlu diberi perhatian supaya langkah balik ini berkesan dan benar-benar dapat membantu orang ramai," katanya.

Sementara itu, kakitangan sebuah kolej swasta, Mimi Noor Aisha, 35, mengakui langkah itu dapat membantu meringankan beban pesakit kurang



berkemampuan.

Dia berkata, selepas waktu pejabat, biasanya golongan itu terpaksa menunggu lama untuk mendapat rawatan di jabatan kecemasan hospital apabila tidak mampu ke klinik swasta.

"Dengan adanya klinik kerajaan yang dilanjutkan masa operasi selepas waktu pejabat, golongan ini boleh mendapatkan

rawatan sebaiknya.

"Paling penting walaupun lepas waktu pejabat, proses rawatan perlu lancar," ujarnya.

Di KOTA BHARU, peniaga makanan, Mah Abu Bakar, 38, berkata, dia tidak perlu bersesak dan merebut parkir kereta jika mendapatkan rawatan selepas waktu pejabat laju jam 6 petang ke atas.

Ujar peniaga makanan itu, kawasan di klinik tersebut terutama di Kota Bharu sangat sukar mendapatkan tempat letak kereta kerana ia kawasan tumpuan.

"Tetapi apabila kita datang ke klinik selepas waktu pejabat, sangat tenang dan banyak perkara dipermudahkan."

"Terima kasih kepada Kementerian Kesihatan kerana memahami keperluan rakyat," katanya.

AKHBAR : UTUSAN MALAYSIA
MUKA SURAT : 4
RUANGAN : DALAM NEGERI

Kerajaan teliti isu bayaran lanjut operasi klinik kesihatan

PUTRAJAYA: Kementerian Kesihatan sudah berbincang dengan Jabatan Perkhidmatan Awam (JPA) berhubung isu pembayaran kerja membabitkan pegawai perubatan susulan pelanjutan operasi klinik kesihatan selepas wakt pejabat.

Menterinya, Dr. Zaliha Mustafa memaklumkan, pihaknya juga sedang meneliti aduan-aduan yang diterima membabitkan isu berkenaan yang mendakwa tuntutan bayaran kerja hanya boleh dibuat se-takat pukul 9 malam sedangkan operasi klinik dilanjutkan sehingga 9.30 malam.

"Sebenarnya perkara itu kita sedang ambil perhatian dengan perbincangan bersama JPA," katanya kepada pemberita selepas merasmikan Persidangan Penyakit Jangkitan Tropika 2023 di sini semalam.

Beliau mengulas mengenai satu hantaran di laman Twitter pada Sabtu lalu yang mendakwa kakitangan yang bertugas susulan pelanjutan operasi klinik kesihatan tidak dapat membuat tuntutan yang sewajarnya.



ZALIHA Mustafa melawat pameran selepas majlis perasmian Persidangan Jangkitan Penyakit Tropika di Putrajaya, semalam.

- UTUSAN/FAISOL MUSTAFA

Dipercuryai tangkap layar yang dikongsikan itu adalah keluhan mengenai tuntutan bagi tempoh 30 minit yang didakwa tidak dibayar.

Pada 10 Mac lalu, Kemente-

rian Kesihatan memutuskan untuk memanjangkan waktu operasi 52 buah klinik kesihatan sehingga 9.30 malam bagi mengurangkan kesesakan di Jabatan Kecemasan hospital.

AKHBAR : UTUSAN MALAYSIA
MUKA SURAT : 8
RUANGAN : DALAM NEGERI

+

8 | UTUSAN MALAYSIA
RABU • 15 MAC 2023**Dalam Negeri**

Segerakan RUU kawal rokok

Oleh MOHD. FADHLI
MOHD. SULAIMAN
fadhlisulaiman@mediamulia.com.my


PETALING JAYA: Kerajaan diminta mempercepat pembentangan Rang Undang-Undang (RUU) Kawalan Produk Tembakau dan Merokok 2022 yang kini dirujuk ke Jawatankuasa Khas Parlimen supaya isu salah guna produk berkenaan termasuk vape dapat diatasi.

Bercakap kepada *Utusan Malaysia*, Pengarah Urusan Nanostix Innovations Sdn. Bhd., Shahabudeen Jalil berkata, Nanostix antara yang terawal dan kekal konsisten dalam mengadvokasi supaya satu akta regulasi diperkenalkan kepada industri rokok elektronik.

Katanya, ini supaya isu-isu seperti salah guna peranti vape untuk penyalahgunaan dadah dapat dicegah.

Sebab itu, tambah beliau, pihaknya menyokong inisiatif Generasi Penamat (GEG) kerajaan untuk menamatkan rantaian ketagihan rokok terhadap generasi muda yang lahir pada tahun 2007 ke atas.

"Pihak kami sedia memberi kerjasama dengan pihak berkuala-sa dan mengambil tindakan undang-undang jika didapati pihak



SHAHABUDEEN Jalil antara yang terawal dan konsisten meminta kerajaan memperkenalkan undang-undang kawal rokok dan vape.

tertentu menyalahguna perantinya bagi tujuan penyalahgunaan dadah," katanya.

Beliau berkata demikian sebagai mengulas laporan *Utusan Malaysia* terdapat peningkatan pengguna dadah kalangan golongan belia, disebabkan penggunaan vape yang dicampur bahan terlarang itu malah mudah didapati di pasaran.

Menurut Shahabudeen, 'beliau yakin produk keluarannya

telah memenuhi piawaian sepertutnya sebelum dikomersialkan.

Beliau bagaimanapun mengakui rokok elektronik keluarannya juga tidak terlepas daripada terpalit dalam isu pencampuran bahan terlarang, namun menegaskan, pihaknya tidak terlibat dalam kegiatan itu.

"Kami baru sahaja menerima kes ini. Contohnya, pihak berkenaan mengambil pod dan mencucuk sendiri memasukkan

dadah. Kami tiada kuasa untuk mengawalnya, tetapi, akan cuba yang terbaik untuk memastikan rokok elektronik yang sampai kepada pengguna tidak mengandungi bahan terlarang.

"Sebab itu, sejak awal lagi kami mengambil langkah membuat pembungkusan rokok elektronik yang selamat dari kilang supaya tidak akan ada ruang untuk pihak lain menambah bahan terlarang ke dalamnya.

"Cara pembungkusan kami juga menggunakan aluminium dan plastik, selain pemantauan secara dalam di kedai-kedai, dan tiada lahan untuk memasukkan bahan terlarang tanpa memecahkan bungkusannya," katanya ketika dihubungi semalam.

Katanya, syarikat-syarikat pengeluar vape dan rokok elektronik juga perlu kerap melakukan pemantauan terhadap produk mereka dari proses produksi, pembuatan sehingga ke pengguna, selain bekerjasama dengan pihak berkuasa.

Akhir ini kelmarin melaporkan penjualan peranti vape tidak berdaftar secara berleluasa dan kewujudan pelbagai dadah baharu sehingga sukar dikesan melalui ujian saringan air kencing antara punca peningkatan penagih belia sejak tahun lalu.

AKHBAR : THE SUN

MUKA SURAT : 2

RUANGAN : NEWS WITHOUT BORDERS

Health Ministry training slots for specialists increased to 1,500

KUALA LUMPUR: The Health Ministry will increase training slots for the Master of Medicine programme to 1,500 beginning this year to encourage more medical officers to pursue specialist studies, especially in critical areas.

Its minister Dr Zalihah Mustafa said this will be done in collaboration with the Higher Education Ministry to offer 23 specialist studies in eight public universities.

She added that training slots under a Parallel Pathway Specialist Programme sponsored by the Health Ministry have also been increased to 600 every year involving 14 specialisations, Bernama reported.

"The Health Ministry also offers benefits that are similar to fully paid study leave and the federal training prize to medical and dental officers appointed on a contract basis through the ministry's Specialist

Training Programme and scholarships.

"It is for them to pursue their Master of Medicine, Master of Dentistry and specialist studies in the Parallel Pathway at domestic and foreign institutions starting from the 2022/2023 academic session," she said during the question-and-answer session in the Dewan Rakyat.

She was replying to a question from Datuk Dr Alias Razak (PN-Kuala

Nerus), on the ministry's initiative to encourage more doctors to further their specialist studies, especially in critical areas of expertise.

Zalihah added that the ministry's public health programme also offers a Public Health Medical pre-specialty training with a mentor-mentee concept for permanent and contract medical officers who are interested in furthering their studies in the field of public health medicine.

She said a total of 7,993 medical officers are currently pursuing their specialist studies under the Master of Medicine programme and Parallel Pathway, as of Dec 31.

Of the total, 4,586 medical officers are furthering their studies under the Master of Medicine Programme, which covers 23 specialty areas, while 3,407 others are undertaking them through the Parallel Pathway, which involves 14 specialty areas.

AKHBAR : THE SUN

MUKA SURAT : 4

RUANGAN : NEWS WITHOUT BORDERS

Minister: New controls needed to curb zoonotic malaria

PUTRAJAYA: New vector control methods are needed to address the zoonotic malaria infection threat in the country, said Health Minister Dr Zaliha Mustafa.

Speaking at a press conference after officiating at the Tropical Infectious Disease Conference 2023 yesterday, she said the Health Ministry is currently implementing vector controls via residual insecticide

spraying, the use of medicated mosquito nets and Artemisinin Combination Therapy.

"The Health Ministry needs to identify new methods to control the infection because zoonotic malaria can result in severe infections and death if treated late."

"Unlike human malaria infections, the transmission of zoonotic malaria infections usually occurs outdoors."

According to her, a total of 527 malaria cases, including 460 zoonotic cases, were reported in the tenth epidemiological week this year, an increase of 30.4%, from the 404 cases reported in the same period last year.

Plasmodium knowlesi is a malaria parasite carried by macaques, and the disease can be transmitted to humans by mosquitoes of the *Anopheles* sp group. — Bernama